

Cuent che chopə migw

Juvenal Llaguno

To benə' bžine' liž benə' migw che'enə', na' ble'ine' to
beco' dao' zo liž benə' migw che'enə'.

Nach gože' le': —Catec xochoe naquə xico'odago'o nga.
¿Bi lebən'?

Nach che' migw che'enə' le': —Gwxizō' ca leb.

Na' con gwzecha be'enə' chgüie'eb. Nach beco'oda'onə'
gwzolao chxitə'əb chta xbamb.

Nach gože' migw che'enə': —Bito gwxizā'. Gwna nada'
bin' le xico'odago'o ni.

Nach beži'i migw che'enə' xtiže'enə' che'e le': —Ca'
leczə xico'odaogua' na'anə'. Leb "Gwxizō' ca leb".

Catə' beyož gwyejni'i be'enə' can' le beco' da'onə'
gosə'ənite'e chəsə'əxižlate'.

Nach gože' migw che'enə': —Šə bichlə le xico'odaogo'onə'
chacda'anə'. Bito bena' xbab še ca' leczəbən'. De'e nan'
gwnia': "Bito gwxizā'".

LOS DOS AMIGOS

Un día un señor fue a visitar a su amigo a su casa. Cuando llegó, vio que andaba allí un perrito muy bonito. Entonces el señor le dijo a su amigo:

—¡Qué bonito perrito! ¿Cómo se llama?

—Te vas a reir de cómo se llama —contestó el amigo.

El perrito comenzó a mover la cola y a brincar, mientras el señor se le quedaba viendo y le decía a su amigo:

—No me voy a reir, pero dime cómo se llama tu perrito.

El amigo le respondió:

—El nombre del perrito es: "Te vas a reir de cómo se llama".

Ahora sí, el señor entendió cuál era el nombre del perrito, y se soltó riendo a carcajadas con su amigo, y le decía:

—Yo creía que el perrito tenía otro nombre, y que era muy chistoso. No pensé que así se llamara, por eso dije que no me iba a reir.

Jempl che to borr len to mašin

Joaquín López S.

Na' ne', goc che to borr gocšenchgüei no'ol chebən' na' zochguab lao juisy naclə gaquə par gaquə no'ol chebən' rmech. Gwde gwdele güen rmech ɟxi'ib, pero ni to cui no goque no'ol chebən' rmech.

Pero na' catə' bžin to ngol dam bia nša'a latə' dao' yich**ɟ**əbən' nach che'eb borrhən': —Par nich yeyaque xo'olon' cheyalə' šejo' yixə' da'onə' na' ž**ɟ**xi'o to mašin na' cuejo' x**ɟ**etəbən', na' gao xo'olon' len par nich yeyaquene'.

Nach gož borrhən' leb: —Choxcwlentio' can' babebəjlano'o chechon'. Na' ša'ašca' na'a güilɟ mašin**nə'**.

Gwde na' le'e beza'ate ngol damən' nach le'e gwza'ate yid borrhən' gwcua'ab yixə' da'onə'. Na' ɟti'ib to yao xenchgua, pero na' gocbe'ib de que šla'a yao na'alə chašchgua mašin**nə'**. Nach che'en que che'eneb gwlagob yaonə' do chaž chžebzəb. Lile na' chaš cholɟ mašin**nə'** chso'onze mašin cuetga'aquəb do tlao yag ca'.

Catə' bžin borrhən' nach bolgüižəb to mašin golə bia žia lao xozə' yaguən' le'ezelaogüe sibə.

Nach che'eb leb: —Betɟ ngalə güe'etocho dižə' de'e yeba yezaquə'əlažə'əchgo'.

Nach boži' mašinnə' xtižə' borrən' che'eb: —¿Bi dižə' napo' go'o len nada'? la' borrga le'.

Nach boži' borrən' xtižə'əbən', che'eb: —Šanalo'o nga, bia si'inchlə nada' ca le', chaca' gueyə' letr.

—Gan gwnašquən ža —chezna mašinnə' che'eb leb.

Nach gwzolao borrən' chosya'ab nab: —A—E—I—O—U.

Prob borrən' chon chom de'e yoblə, len chžaglao no'ol chebən' gatəb.

Catə' beyož bene mašinnə' can' bisya'a borrən' nach betjəb che'eb: —Be'lašc dižə' na'a bitecxa de'en nezdo' güe'eleno' nda'.

Nach che' borrən' leb: —Caguə biteclən' che'enda' nia' le', šə chapo' gost sa'aleno' nda' pasyer do šla'a ni', na' cui'o coža'a nga techo yaonə'.

Nach chebei mašinnə', che'eb: —Guaquəczə.

Le'e bxitə'əteb gwlaguəb cožə' borrən'.

Bixa lezə borrən' bebeichgüeib catə' gwcheb mašin probən' šəjlemb leb. Nach le'e beza'ateb zeno'ab mašin da'onə'.

Bazjəya'aquəb gwchol yao na'ate catə' ben mašinnə' xbab chaqueb: —¿Gaxa ni žjua'a bia ni nada'?

Nach che'eb borrən': —¿Gaxaczə ni chi'o nada'?

Cane beyaxje borrən' gožəb leb: —Xo'ola'anə' deb chacšenchgüeib, na' naca' mendad dexi'a le' par gon xcheto'on gaob par yeyaquəb.

Nach lechgualə de'e goque mašinnə', pero na' goljlažə'əb